



册府元龜

卷之八
至十



13
849
6



門
849
卷
6



冊府元龜

淮南李嗣京叅閱

西極文翔鳳訂正

豫章黃國琦較釋

帝王部八

創業第四

後唐莊宗太祖長子年十一從太祖討王行瑜因令
獻捷昭宗一見駭之除隰州刺史尋改汾晉二郡皆
遙領之天祐五年正月太祖厭世帝嗣晉王位四月
召周德威軍歸晉陽汴人既見班師知其國禍以為

潞州必取無復再舉遂停斥堠梁祖亦自澤州歸雒
帝知其不備率親軍直抵夾寨破之梁軍大敗招討
使康懷真得百餘騎出天井關事具帝王謀畧門帝乃班師
晉陽九月邠岐蜀三鎮復大舉攻長安帝遣李嗣昭
周德威將兵三萬攻晉州以應之三鎮攻長安梁祖
懼自雒率親軍屯於陝州令其將尹皓將兵赴援平
陽周德威與尹皓之師戰於神山北梁人大敗六年
七月邠岐劉知俊遣使來告將大舉討靈夏兼收平
關輔請出兵晉絳以張犄角八月帝御軍南征令周
德威李存審丁會統大軍出陰北關攻晉州刺史邊

繼威登陴拒守梁祖令其將楊師厚領兵赴援屯於
絳州我軍攻城愆小較萇諫募兵寡不敵而退我爲
地道壞城二十餘步城中血戰拒守夜復乘城汴軍
至蒙坑周德威逆戰敗之斬首二百級師厚退保絳
州七年七月茂貞知俊及邠州楊崇本各遣使來告
言靈武韓遜夏州將李仁福朋附梁孽屢犯邊陲請
出師協力以討時岐人言劉知俊三敗汴軍於寧州
韓遜危憾岐隴之師大舉決定取河西帝命振武節
度使周德威將兵萬人西渡河以應會劉知俊爲岐
人所搆乃自退九月周德威軍旋晉陽十一月梁祖

欲兼并鎮定遣親軍三千入于深冀鎮州王鎔懼求
援於帝帝遣周德威率軍屯於趙州梁軍王景仁等
營於栢鄉帝遂親征八年正月周德威史建唐帥三
千騎致師於栢鄉設伏於村塢間遣三百騎直壓賊
營賊軍怒悉其軍結陣而來德威與之轉戰至於鄣
南賊陣橫亘六七里時我軍未成列李存璋引諸軍
旋陣於野河之上賊五百人薄我爭橋鎮定步軍偏
師與之血戰賊敗而復整周德威李嗣源李存璋等
大破之斬首二萬級餘賊棄深冀而遁德威與史建
塘前軍徇地邢洛先馳檄諭邢洛魏博衛滑諸郡縣

曰王室遘屯七廟被凌夷之酷旻天不弔萬民罹塗
炭之災必有英主奮庸忠臣伏順斬長鯨而清四海
廓妖禳以泰三靈予位忝維城仍當分閭念茲顛覆
詎可宴安故仗桓文輔合之規問羿浞兇狂之罪逆
溫碭山傭隸巢孽餘兇當僖宗奔播之初我太祖掃
平之際束身泥首請命牙門包藏姦詐之心惟示婦
人之態我太祖俯憐窮鳥曲爲開懷特發表章請帥
梁汴纔出萑蒲之澤便居茅社之尊殊不感恩遽行
猜恐我國家祚隆周漢迹盛伊唐二十聖之鎡基三
百年之文物外則五侯九伯內則百辟千官或代襲

簪纓或門傳忠孝皆遭陷害永抱沉寃且鎮定兩藩
國家巨鎮奠安民而保族咸屈節以稱藩逆溫惟仗
陰謀專行不義欲全吞噬先據屬州趙州特發使車
來求援助予情惟盪寇義切親仁躬率賦輿赴茲盟
約賊將王景仁將兵十萬屯據栢鄉遂驅三鎮之師
授以七擒之畧鶴鵝纔列梟獍大奔易如走坂之丸
勢若燎原之火殭屍仆地流血成川組甲離戈皆投
草莽謀夫猛將盡作俘囚羣夫既快於天誅大憝須
懸於鬼錄今則選蒐兵甲簡練車徒乘勝長驅翦除
元惡凡爾魏博邢洛之衆感恩懷義之人乃祖乃孫

爲聖唐赤子豈徇虎狼之黨遂忘覆載之恩蓋以封
豕長蛇憑陵薦食無方逃難遂被脅從空嘗膽以術
寃竟無門而雪憤旣聞告捷想所慰懷今義旅徂征
止于招撫昔耿純焚廬而向順蕭何舉族以從軍皆
審料興亡能圖富貴殊勲茂業翼子貽孫轉禍見機
決在今日如能詣轅門而効順開城堡以迎降長吏
則改補官資百姓則優加賞賜所經詿誤更不推窮
三鎮諸軍已申嚴令不得焚燒廬舍剽掠馬牛但仰
所在生靈各安耕織予恭行天伐罪止元兇已外歸
民一切不問凡爾士衆咸諒予懷於是帝親御軍邢

帥王檀懼請師于維梁遣其將徐仁溥將兵五百夜入邢州助檀固守帝令張承業李存璋以三鎮步卒攻邢州遣周德威史建塘將三千騎長驅澶魏帝與李嗣源率親軍繼進王師所至壺漿塞路郡邑長吏村閭文學咸扣馬言曰久罹喪亂獲見義師帝躬自臨問勞之軍法甚嚴秋毫無所犯但討其拒命者時汴軍自王景仁敗後殺戮大半其餘漏刃亡散皆青徐兗鄆諸道之軍各歸本鎮梁祖遣楊師厚於河陽招聚亡敗之衆旬餘方得萬人二月帝自維磁相三郡次于洹水謀報汴滑之軍據黎陽周德威進至臨

河己未魏帥羅周翰出兵五千塞石灰窰口周德威以騎二千掩擊追入觀音門帝舍於狄公祠東西列營十數羅周翰閉壁自固我軍攻西南北隅城幾陷朱溫遣杜廷隱將兵五百送李振爲魏博副使夜入鄴城是時朱溫出兵萬餘將渡赴援聞王師至棄舟而退鄆州步騎二千自黎陽來歸梁祖自汴歸維陽周德威自臨清徇地貝郡夏津高唐攻博州下東望朝城攻澶州僞刺史張可臻棄城而遁進擊黎陽下臨河淇門逼衛州掠新鄉共城是月梁祖在路聞我師將攻河陽率親軍屯白司馬坡令楊師厚戒嚴八

月幽州劉守光僭稱大燕皇帝十二月帝遣周德威
劉光濬李嗣源及諸將率蕃漢之兵討之九年正月
燕將王行方等以部下四百人來奔二月梁祖率舉
河南之衆以援守光三月周德威遣李存暉攻瓦橋
關四月李嗣源攻瀛州皆下之五月德威大破燕軍
於羊頭岡斬首五千餘級自涿州進軍于幽州城下
六月梁祖爲其子友珪所弑八月友珪遣其將韓勅
康懷英牛存節率兵五萬急攻河中朱友謙遣使求
援帝令李存審率師救之十月帝自澤潞赴河中遇
梁將康懷英於平陽破之斬首千餘級追至白徑嶺

友謙會帝於猗氏梁軍解圍而去十年正月德威攻
順州二月攻安遠軍皆下之三月攻廬臺及古北口
五月壬寅朔劉光濬逼營州刺史楊靖以城降得李
知諱馬步兵四百因令五院將李益權典州事六月
帝遣監軍張承業至幽州是月收下莫州九月守光
率衆夜出遂陷順州十月入檀州德威自涿州將兵
躡之守光循山而南德威追及大敗之守光復之諱
城十一月帝親征幽州十二月執僞燕主劉守光并
其父仁恭班師晉陽次行唐鎮州節度使王鎔迎謁
於道路鎔啓曰燕主劉太師頃爲隣國謀之不臧患

生膝下令既伏罪履新之會僕欲挹其風儀可乎帝
促命王者破械引守光仁恭至與鎔答拜同宴久之
十一年正月自幽州是口於汾亭令軍士數百組
練係仁恭守光號呼而入與其黨李小喜鄭臧斐皆
伏法是月鎮州王鎔定州王處直再遣使奉書推冊
帝爲尚書令帝可之乃撰日受冊開霸府建行臺如
武德故事帝以燕薊初平將軍南伐七月帥師自黃
沙嶺東下會周德威王鎔於趙州大軍進至洛州徇
地而還十二年三月梁主朱友貞分魏博六州爲兩
道以賀德倫爲魏博節度使張筠爲澶相節度使魏

人不從乃歸於帝帝命馬步副總管李存審自鎮州
帥前軍先進屯臨清五月帝帥親軍會之德倫遣從
事於司空陳密旨言軍士張彥爲亂軍之首迫德倫
上章請却復六州大王鎮撫魏人宜誅首惡及帝進
軍次於永濟張彥選銀槍効節軍五百人皆勇悍者
持矛仗戟自衛而來帝登驛樓數其罪而斬之六月
入府城撫勞軍士賀德倫上符印請帝兼領魏鎮帝
承制授德倫大同軍節度使是月帝遣騎軍五百襲
德州拔其城七月攻梁澶州下之八月復爲梁將賀
瓌所陷十三年三月攻梁衛州降之進攻磁州四月

攻洺州竝皆拔之相州節度使張筠遣人納款師旋於魏州五月還晉陽八月大閱師徒進攻邢州令降將張溫率汴軍五百於城下招降之邢州平九月帝還晉陽梁滄州節度使戴思遠棄城遁舊將毛璋入其城復命明宗帥師招撫之毛璋以城降以李存審爲節度使是月貝州降河朔悉平十四年十二月黃河水合帝觀兵河上汴人據楊劉城緣河數十里間列柵相望我軍急攻皆平之進至楊劉城中登堞者甲士三千帝率善射者萬餘環城馳射步兵持斧斬其鹿角以葭葦埋塹帝率先負葭葦以勵士衆四面

鼓譟拔戟乘城其衆因潰騎軍掩擊自辰及酉斬戮千計徇地至鄆濮而還閱兵於魏州時幽州盧龍軍節度使蕃漢馬步總管周德威帥幽薊步騎之師三萬橫海軍節度使蕃漢馬步副總管李存審帥滄景步騎之師萬人成德軍節度使王鎔遣其將王德明帥鎮冀步騎之師三萬昭義軍節度使李嗣昭帥澤潞步騎萬人安國軍節度使李嗣源帥邢洛步騎之師萬人義武軍節度使王處直使其將帥易定之步騎萬人麟勝雲蔚新武等州諸部落奚契丹室韋吐谷渾等馬萬匹總河東魏博十鎮之師閱於魏州部

陣嚴肅精甲曜日師旅之盛近代未之有也梁將賀
瓌上彥章帥兵屯於濮州北行臺里結壘相持百有
餘日十五年六月帝與梁軍戰於楊劉大破之拔其
四寨十二月帝令軍中老幼悉歸魏州塞井夷竈起
軍赴汴攻濮陽拔之李存審城德勝夾河置禦捍之
備十六年四月梁將賀瓌攻德勝南城圍塹既周又
以蒙衝戰艦斷其津渡百道齊攻帝陣於北岸親從
將王捷選勇卒三百人斬其竹纜繇是得渡梁軍棄
城逃遁帝命騎軍追襲至於濮陽十二月帝軍於河
南御鐵騎千餘突入梁陣諸軍繼進左右斬擊梁軍

大奔獲馬三千餘匹俘斬萬級十八年八月鎮州王
鎔爲其將張文禮所殺帝接鎮州行營偏將符習成
德軍兵馬留後以所統鎮冀兵進討又遣閻寶史建
塘將兵以益之文禮聞王師至憂悸病疽而卒子處
球代其任十九年九月鎮州平鎮人請帝兼領因以
符習領天平軍節度使同光元年二月諸藩鎮相繼
上牋勸進四月遂卽帝位

晉高祖憲祖第二子

憲祖以上事具
帝王帝系門

後唐明宗初爲

代州刺史妻以愛女領親騎左射軍天祐十三年梁
將劉鄩率兵攻鄴城莊宗至自其陵未陣爲鄩所掩

截帝領十餘騎橫槊深入收部伍而旋莊宗壯之十四年鄴兵陣莘之西北明宗從莊宗酣戰久之而塵埃四合帝與明宗俱陷陣中帝挺身躍劍反覆轉鬪行數十里遂敗鄴於故元城之東十五年梁將賀瓌設伏無石山明宗爲瓌所迫帝爲後殿破賊五百餘騎按轡而還十二月莊宗大蒐兵胡柳坡下衆號十萬總管周德威將左軍雜以燕人前鋒不利德威死之莊宗率步衆五千固守高陵以避敵之銳氣明宗獨完右廣伏於土山之下顧謂帝曰梁人首獲其利旌旗甚整何計可以挫之帝曰臘候如此出手墮指

彼多步衆易進難退莫若啜糲飲水徐而困之且超乘徒行其勢不等一擊而破期在必勝明宗曰是吾心也會日暮梁軍列於平野不下五六萬人爲一方陣麾遊騎迫我帝曰敵將遁矣乃請明宗令士整冑寬而羅之命左射軍三百人鳴矢馳轉漸束其勢以數千騎合之敵人迨夜旌旗皆靡而一角先潰三面踵之其牙若火爆之聲橫屍積甲不可勝計繇是梁人勢削進營德勝渡矣十八年十月從明宗戰梁人於德勝渡敗梁將戴思遠段二萬餘人十九年戰胡蘆套唐軍稍却帝親其敵銳拔劔闢道肩護明宗而

退人望之無敢襲者二十年從明宗觀梁人之楊村寨部曲皆不擐甲俄而敵出不意以兵掩明宗亦將及背帝挾戟而進一擊而凶酋落馬者數輩明宗遂解其難是歲莊宗卽位於鄴改元同光遣明宗越河懸軍深入以取鄆鄆人殆不知覺帝以五十騎從明宗涉濟突東門而入俄而鄆兵拒我帝中亦翼明宗而羅於通衢巖然不動會後騎繼至遂拔中城以據之汝陽遂定俄而平汴莊宗朝官未顯者以帝不好矜伐故也唯明宗心知之四年三月明宗討趙在禮于鄴會諸軍有變叩馬請明宗帝河北明宗受霍彥

威勸將自訴於天子遂給諾諸軍諸軍亦悉事之不果而散者甚衆明宗所全者惟嘗山一軍西次魏縣帝密籌於明宗曰猶豫者兵家大忌必若求訴宜決其行某願率三百騎先趨汴水以探虎穴如遂其志請大軍速進夷門者天下之要害也據之可以自雪安有上將與三軍言變他日有平手乎危在頃刻不宜恬然明宗至相州遂分驍騎三百付之遣帝繇黎陽濟河自汴水西門而入因據其城使人促明宗明宗趨白馬渡繼焉及明宗犒師於鄆莊宗親統師至城之西北五里登高歎曰吾不濟矣繇是莊宗從兵

遂大潰來歸明宗明宗尋遣帝率兵爲前鋒趨汜水
關收撫亂兵俄而莊宗爲親將郭從謙流矢所中是
月明帝入雒嘉帝功自總管府署陝州兵馬留後明
宗即位改元天成五月以帝爲保義軍節度陝虢等
州觀察處置等使賜竭忠建策興復功臣時莊宗皇
子魏王繼岌降西蜀王衍督軍而還軍亂於雍繼岌
自害朝廷又遣帝慰撫諸軍示以恩旨自陝至雒秋
毫無有犯者二月兼六軍諸衛副使十月明宗幸汴
以帝爲御營使始次涼水汴帥朱守殷叛命命帝董
親軍倍道星行信宿及浚城一鼓而登之守殷自屠

其家賊中遂定詔以帝充宣武軍節度汴曹等州觀
察處置侍衛親軍馬步軍都指揮使兼六軍諸衛副
使三年四月加同中書門下平章事興唐尹鄴都留
守天雄軍節度管內觀察處置等使長興元年九月
東川董璋悖命有制削奪官爵命帝爲東川行營都
招討使二年春以川路險艱糧運不繼帝懼人情有
變請以急詔徵還朝廷然之四月復兼六軍諸衛副
使六月改河陽節度使十一月以契丹犯雲中加侍
中充河東節度使兼大同振武彰國威塞等軍蕃漢
馬步總管三年十月契丹引吐渾突厥犯塞秦子從

榮奏宜早命大將與范延光俱言帝可用帝素不欲其軍之副卽奏曰臣願北行明宗曰卿爲吾行事無不濟卽宣旨施行及受詔不落六軍副使帝却遷延辭避閔帝卽位加中書令移鎮嘗山末帝清泰元年五月復除河中節度使蕃漢馬步總管二年夏帝屯軍于忻州朝廷遣使送夏衣傳詔撫諭後軍人遽呼萬歲者數四帝懼斬挾馬都將李暉三十餘人以徇三年五月移鎮暉州帝心疑之召寮佐謂曰孤再受太原之日主上面宣云與卿北門一生無議除改今忽降命豈以去年忻州亂兵見迫過相猜乎又今年

以千春節請公主入覲當辭時謂公主曰爾歸心甚急欲與石郎反邪此疑訝之狀固且明矣今國家用后族委邪臣沉湎荒惑萬機停擁今張昭逐延浩於鄴以延浩后之愛弟不加其罪是失刑也副樞密使劉延朗黷貨賂抑功勳侯伯爲之長歎是失賞也二者皆去不亡何時吾自應順中少主出奔之日觀人情大去不能扶危持顛憤憤於方寸者三年矣此際我無異志朝廷自啓禍機不可頽然歿於道路况太原險固之地積粟稍多若且寬我我當奉之必若加兵我當內告隣方北構強虜興亡之數皎皎在天今

欲發表稱病以伺其意諸公以爲如何判官趙瑩懼形於色但唯唯桑維翰與漢高祖贊成其事乃不奉詔末帝削奪帝爵遣晉州節度使張敬達圍帝晉陽末帝既有詔促令攻取敬達長城連棧勇者盡其力工者運其思日夜窮土木之力時督事者每有所構則暴風大雨平地水深數尺而城棚摧墮竟不能合其圍帝求援契丹俄遣人復書諾之約以中秋赴義六月北面招討指揮使安重榮以戍卒部曲數千人入城七月代州屯將安元信背刺史張朗率軍與西北面先鋒指揮使安審信引五百騎俱至八月懷州

彰聖軍軍使張萬迪等各千餘騎來歸是月張敬達攻圍甚急帝親與矢石人心雖固廩食漸困九月辛丑契丹大酋長邪律氏率衆自鴈門而南旌騎不絕五十餘里與南軍騎將高行周符彥卿等合戰時張敬達楊光遠列陣西山之下士未及伍而行周彥卿爲伏兵所斷捨軍而退敬達等步兵大敗死者萬人是夜帝出城北門與邪律相見因論父子之義明日帝與契丹圍敬達營寨南軍不復出矣是月末帝率親軍三萬出次河橋遣樞密使趙延壽分衆二萬爲北面招討使又詔魏博節度使范延光統本軍二萬

人屯遼州十月幽州節度使趙鈞領所部萬餘人自上黨吳兒谷合延壽兵屯團栢谷與敬達寨相去百里彌月不能相通十一月戎王築臺於晉陽城南冊帝爲大晉皇帝改元天福閏十一月甲子唐將楊光遠殺敬達以諸軍來降甲戌帝至昭義受趙德鈞趙延壽降己卯至河陽北節度使萇從簡降辛巳末帝自焚帝遂入維都

漢高祖顯祖之子初仕後唐明宗列於麾下晉高祖爲梁軍所襲馬甲連革斷帝輟騎授之取斷革者自跨徐殿其後晉高祖感而壯之明宗踐祚晉高祖爲

北京留守以帝前有讓援之力奏移麾下署爲都較應順初閔帝出奔與晉高祖會於衛州謀欲害之帝率衆盡殺閔帝左右遂免於難末帝清泰元年晉高祖復鎮河東三年夏移鎮汶陽帝勸其舉義贊成密計晉高祖以帝爲北京馬步軍都指揮使及契丹以全軍赴難大破張敬達之衆於晉陽城下有降軍千餘人帝盡殺之天福元年晉國建授侍衛馬軍都指揮使權點簡隨駕六軍諸衛使尋改陝州節度使充侍衛馬步軍都虞候二年八月改許州節度使三年十月授侍衛馬步軍都指揮使十一年移宋州節度

使十二月加同平章事五年三月改鄴都留守六年七月授河東節度使朝廷以嘗山安重榮狂悖漸露招致退渾白承福等在五臺山北以招契丹爲名晉高祖患之召漢高祖賜宴密戒曰北門吾豐沛之故宅也今內有兇豎勾引近塞部落與朝廷生事吾今將幸鄴州以并州爲巨屏遍揣大臣非公不可作鎮當與李德瑋交致宜勉是行副倚屬也十月退渾白承福與部族來歸始晉高祖以前月有詔委帝招誘退渾節度使白承福等遲疑未決因使人謂之曰契丹強盛方與同盟聖上已曾割隸公合自守部落安

重榮將圖不軌朝夕敗亡天下之人已共棄矣况朝廷明有告諭便可速來無待臨以兵威南北無向差之毫釐悔無及矣承福等懼遂歸命焉帝優以繪帛米糲奏於河東安置而重榮北遣記室廬陶傳檄遠近以退渾達靺鞨苾苾同起爲名至是無一人赴者大摧其勢皆帝之謀也七年正月加侍中八年三月加中書令開運元年正月契丹南下虜主以大軍直抵澶州遣蕃將偉王率兵入鴈門少帝以帝爲幽州道行營招討使大破偉王於忻口三月封太原王七月兼北面行營都統二年四月封北平王三年五月加

守太尉九月契丹犯塞帝親率牙兵至朔州南陽武谷大破之四年正月虜王入東京諸侯皆附焉帝亦遣使送款給云有疾知邪律氏恃勝傲下使漢兵饑寒縱蕃騎暴橫蹂踐鄭滑曹濮百姓爲之一空必華戎相厭主客生變可坐而圖也繼發副使白文珂奉以織繒名馬密偵所爲邪律氏亦以帝觀望不動生猜貳焉卽以虜通事高唐英領安陽耿崇美領上黨僞侍中崔延勳赴河橋且欲扼太原之衝也帝繇是偃戢旗鼓但示弱而已左右或勸帝曰契丹敗漢法而人心已搖可議進取之計帝曰夫兵法有急擊而

破敵緩守而成功者隨時消息不可失也今北虜降我軍十萬入據京邑內未有變其可輕議者哉且犬羊之性貪而好利利飽必去是其嘗也况冰雪已消虜畏其熱蓄銳待時理將未晚時潞府連帥張從恩遣使謀於帝曰某以勢迫懷雖欲詣虜帳去之與住一稟明公帝遣回使答曰我以一隅之地敢抗天下之大乎君其行之當繼往矣從恩以爲誠而帝其言多此類也少帝北遷二月河東行軍司馬張彥威與文武將吏等以中原無主帝威望日隆羣情所屬三上箴勸進是月辛未於太原宮受冊卽皇帝位帝謂

羣臣曰帝王稱謂孤已迫於羣情而遜避無所其國號正朔未忍遽改繇是降制以少帝開運四年改稱晉天福十二年遣都督史弘肇率兵討代州平之是月權晉州兵馬留後張晏洪權陝西留後趙暉權潞州留後王守恩竝上表歸順二月權延州留後高允權丹州都指揮使高彥珣竝以城歸命是月虜主還本國四月卒於鎮州之樂城五月丙申帝發河東取陰地關路幸東京僞汴州節度使蕭翰迎郇國公李從益知南朝軍國事戊申帝至絳州刺史李從朗以郃降六月丙辰至維兩京文武官寮自新安相次奉

迎詔賜從益死甲子遂至東京

周太祖慶祖之子年十八事後唐潞州留後李繼韜為牙兵莊宗平繼韜配從焉直天成中晉高祖領副侍衛以帝長于書計召置麾下令掌軍籍漢高祖累鎮蕃閩皆從之及鎮并州尤深待遇出入帷幄受腹心之寄開運末契丹犯闕晉帝北遷帝與蘇逢吉等勸漢祖建號以副人望及卽位以帝為樞密副使乾祐元年正月隱帝嗣位拜樞密使會李守貞據河中朝廷遣白文珂嘗思等討之七月西河師徒大集未果進取制加帝同平章事卽遣西征以安慰撫招為

名詔西面諸軍竝取帝節度八月二十日師至河中命白文珂營於河西帝營於河東不數日周設長塹復築長連城以迫之二年五月十七日攻城自是晝夜攻之七月十三日帝三砮將士奪羅城二十一日城陷守貞自焚而死又於城中搜索出守貞男崇王崇緒崇英縉哥女喜哥延哥偽宰相靖崱孫愿樞密使劉芮國師僧總倫司天監王廷秀博士焦文傑偽滑州節度使張球澤州刺史劉仁祐忻州刺史安在欽秀州刺史張延朗等二十五人秦王邛及四門旗龍鳳日月等旗傘扇玉鉞等差弓箭庫使劉延珪露

希以聞詔曰李守貞頃在前朝驟承委遇迨事先帝復委藩垣効淺功微寵深位大而狡性難制小器易盈蔑義虧忠窮凶極逆江海不能流其惡鼎鑊不足快其誅卿憤激於心義形於色覩茲妖孽志在剪除動息之間必思於經畧寢食之際無忘于寇讎撫士愛人分甘共苦躬臨矢石親冒梯衝揮戈而蛇豕就誅破竹而金湯失險氛霾旣息宗社再安非我元臣莫隆景運朕之倚愛何止寢興言念辛勤無忘嘉愧九月加侍中十月契丹入寇帝受詔率師赴北邊謂諸屯戍壯士曰自虜王喪收今纔四年幽州所屯其

數無幾然而屢犯吾境屢傷吾民非彼驍雄蓋禦備之失者有三主將無謀城池不固備預無素禦捍闕供其敗一也主將輕佻妄謀躁進不顧利害輕用士民希覬功名以邀爵賞其敗二也貪他羊馬互市往來姦利之人兩爲間諜軍謀國事泄之於敵其敗三也予昨者繕城池增堡障儲守備之用料將較之才蓋欲自茲庶無敗事所在鎮戍當用吾言凡虜小寇則進追大侵則保壁不得與蕃人交市不得輕戰邀功民蠶麥登時黍禾熟日早令收獲俾入城池偵邏警巡爲民外扞亦州牧戍將之職也虜雖衰破遠在

沙場倏忽往來難爲陣馭縱得一夫一騎不足爲功但自保邊斯爲上策况百年之虜未易卒除使國富刑清兵多馬衆彼則占風不暇款塞爭先予非畏胡服之有時耳自是邊上鎮戍專切戒嚴虜縱侵騷於民無損帝旣至邢州而虜已退三年二月班師三月制授鄴都留守樞密使如故十一月十四日澶州節度使李洪義遣副使陳光穗至鄴報京師有變羣小害楊邠史弘肇等又言后弟李鄴等遣腹心齋密詔至澶州令洪義殺侍衛步軍指揮使王殷洪義恐事不濟乃以密詔示殷殷與洪義卽遣光穗馳報于帝

光穗既至以洪義意密啓于帝俄頃供奉官孟鄴馳驛來亦詔護聖左廂都指揮使郭崇等害王峻及帝仍命以首級馳獻太祖卽集三軍將較論之曰予從微至著披肝露膽置立漢家宗社先皇登遐親受顧託與楊史諸公彈壓經謀忘寢與食一旦無罪盡已誅夷予獨何生黽勉居世死歸地下無愧先帝爾三軍斷予首報天子各圖功業自此長辭郭崇帥所管將較士卒伏於帝前言曰崇等從公征行備嘗艱苦星行露宿畧無寧息侍衛令公忘身爲國不避怨謗護息邦家無名誅族遣誰致力崇等思揣此事必非

聖旨卽是李業等奸權誣罔竊發假如此輩使握權柄國得安乎必須披論以判忠邪何事信單車之使輒欲自棄使千載被惡名乎崇等願從公入朝面自洗雪盪除鼠輩以廓帝圖辭未絕郭崇遽領騎軍先往澶州橋帝翌日爲衆所迫不獲已遵路明日行次遇內養鷲脫者隱帝之小豎也來覘太祖訊之對曰見召前開封尹侯益鄴州節度使張彥超客省使閻晉卿鄭州防禦使吳處裕令將兵守澶州帝謂鷲脫曰詔郭崇殺我崇而不忍害我言爲我論列兵士廻戈我力不能制爾以此聞奏帝因寘奏狀於鷲脫衣

領奏曰昨爲兵士擁至河上言京中誅史弘肇等盡非聖意請陛下密詔內班擒縛李業等送至澶州詔諭兵士臣卽却歸鄴中一則雪將相之深冤一則安陛下之家國隱帝覽奏疑不能決復召李業輩示之於是盡害帝及王峻等親屬帝欲往澶州候驚脫至闕伺其詔命兵士肆言我輩家屬在汴未知存亡此不可往遂燒民廬舍鼓譟不可遏王殷率步騎從履冰而渡十六日趨滑臺節度使宋延渥迎謁于路十七日以滑之府庫縑緡賞諸軍大閱步騎於州城南帝誓軍曰朝令使侯令公等率大軍將至彼旣成列

不肯徒然我思道理必欲交鋒便匪朝天之意如其束手何制逆我之師欲全爾等功名不如奉行前詔我以一死謝天子實無所恨諸將徬徨啓曰國家負公公不負國所以萬人奮命如復私讎侯益之徒安能爲患保爲公擒之十八日大軍自滑而南十九日過封丘時隱帝又令左神武統軍袁義前鄧州節度使劉重進繼率禁軍來拒望塵退走與侯益等軍屯赤關是夜俱退二十日兩軍相遇於劉子陂隱帝結營於七里店道西二十一日復陣於劉子陂帝令諸軍曰比除君側之惡無得犯躡按軍不動者久之無

何慕容彥超揮戈奮擊步騎雲委李筠郭崇乃率兵禦之慕容彥超馬倒幾欲成擒而侯益張彥超袁叢劉重進皆倒戈而來二十二日旦隱帝自砦乘馬將還宮而前鋒已及乃西南以避之事迫而郭允明遂行弒逆辰巳時諸軍畢入京城晚太祖將入宮門待罪進名朝太后以軍未整戢且歸舊第二十四日率羣臣起居於明德門外奏曰昨者左右熒惑輿駕蒼皇歸闕師徒未免驚動帝王出令其位難虛軍國事多早宜册立嗣君以係人望伏請太后行教令指揮太后令曰北京留守崇許州節度使信高祖皇帝之

愛弟也徐州節度使贇開封尹勳皆高祖之裔子也俱列盤維皆分屏翰已委文武百寮六軍將較議擇賢明以承大統二十六日帝率羣臣班於明德門外起居太后獻議請以劉贇入承正統太后下令宜備法駕迎贇於徐州卽皇帝位卽遣太師馮道備儀注往奉迎二十七日帝率羣臣班於明德門外拜章以新君未知軍國之事一日萬幾不可暫廢請太后權臨朝聽政二十九日鎮定言契丹入寇三道而來太后令帝赴北面軍前爲都統帥相度進取新君未至其軍國公事委王峻已下商量施行其兵馬軍事委

王殷勾當巡簡十二月甲午朔帝北征十九日六軍履冰渡河次澶州驛舍二十日早步兵前進帝於庭中省其裝發忽聞驛外闕譟聲如雷霆俄而士卒不繇門戶登牆越屋雲屯山積來迫帝曰天子請侍中自作劉家社稷盡矣縱然立得亦無好事却報讎於將較也亂軍得黃袍扶抱帝加袍於背不肯解帝給之曰爾等解去我無所避也二十日帝上太后牋論列澶州三軍逼脅之事不獲已班師又言臣事先帝過承君父之恩及奉嗣君願竭腹心之効豈期禍難事與願違方擇當璧之賢又爽大橫之兆永言膝下

何慰慈顏望太后以宗子待微臣臣敢不奉宗廟如本朝事太后爲慈母惻款之至祈戀增深太后令曰侍中功烈崇高德聲昭著剪除禍亂安定乾坤謳詠有歸曆數攸屬所以羣情推戴億兆同歡老身未終殘年屬茲多難唯以衰朽託於始終載省來牋如母見待感佩深意涕泗橫流其諸誠懷難盡宣述是日王峻以所立新君在宋州恐聞澶州軍變之事部下爲亂令郭崇率騎七百急赴之二十三日帝至韋城二十五日至七里店東西步騎陳列是日百寮上章勸進御營於臯門村二十六日太后以帝爲監國中

外庶事竝聽監國處分四年正月丁卯漢太后令奉符寶授監國卽皇帝位是日太祖自臯門歸大內御崇元殿卽位制以大周爲號改乾祐四年爲廣順元年

冊府元龜

淮南李嗣京叅閱

西極文翔鳳訂正

豫章黃國琦較釋

帝王部 九

繼統第一

易曰大人以繼明炤于四方孟軻亦云君子創業垂統爲可繼也仲尼刪詩定書斷自唐虞以下故軒轅之前無所論次然學者多稱少昊乃黃帝之子逮乎堯舜皆其裔也則知黃帝之澤及後世淵源深遠然

自帝嚳已往五材迭勝事畢纂緒此固不論及夏后氏之興櫛風沐雨乘四載拯橫流鳥獸咸若烝民粒食功無間然子啓賢明用克永世商有祝網之仁誅暴之義元元欣戴亦惟舊矣雖太甲之顛仆典刑而流風善政浸于遺俗有賢臣援而正之終能篤紹基緒姬周之興祗成頌炎漢之慶大橫叶兆自爾明聖代興光昭前烈七世之廟固可以觀德者矣

夏后啓禹之子禹東廵守至于會稽而終以天下授

益禹崩三年之喪畢益讓帝禹之子啓而避居箕山

之陽陽字一作陰避音璧禹子啓賢天下屬意焉禹雖授益

之佐禹日淺天下未洽故諸侯皆去益而朝啓曰吾君帝禹之子也於是啓遂即天子之位是爲夏后

帝太康啓子

帝仲康太康弟

帝相仲康子

帝少康相子

帝宁少康弟 一云杵

帝槐宁子

帝芒槐子

帝泄芒子

帝不降泄子

帝扁不降弟

帝厘扁子

帝孔甲不降子

帝皐孔甲子

帝發皐子

帝履癸發子是為桀

殷帝外丙湯之子湯太子太丁未立而卒乃立太丁

之弟是為外丙

帝仲壬外丙之弟

帝太甲太丁之子成湯適長孫成湯既沒太甲元年

史記稱湯沒太子太丁之子外丙即位三年立其弟仲壬與書差互伊尹作伊訓曰惟

元祀十有二月乙丑伊尹祠于先王此湯終踰月太甲即位奠殯而

告奉嗣王祇見厥祖居位侯甸羣后咸在在位百官

總已以聽於冢宰伊尹制百官以三公攝冢宰

帝沃丁太甲子

帝太康沃丁弟

帝小甲太康子一云弟

帝雍巳小甲弟

帝太戊雍巳弟為殷中宗

帝仲丁太戊子

帝外壬仲丁弟

帝河亶甲外壬弟

帝祖乙河亶甲子

帝祖辛祖乙子

帝沃甲祖辛弟

帝祖丁沃甲兄祖辛之子

帝南庚祖丁弟沃甲之子

帝陽甲祖丁子陽甲之時殷衰自仲丁以來廢適而

更立諸弟子弟子或爭相代立比九世亂於是諸侯

莫朝

帝盤庚陽甲弟自河北五遷至河南治亳號曰殷行

湯之政百姓繇寧殷道復興諸侯來朝

帝小辛盤庚弟

帝小乙小辛弟

帝武丁小乙子 為殷高宗

帝祖庚武丁子

帝祖甲祖庚弟

帝廩辛祖甲子

帝庚丁廩辛弟

帝武乙庚丁子

帝太丁武丁子

帝乙太丁子

帝受辛帝乙少子兄微子啓母賤不得嗣辛母正后
遂爲嗣辛立爲帝天下謂之紂

周成王武王太子太子代立是爲成王王少周初定
天下周公恐諸侯叛乃攝行政當國七年成王長周
公反政北面就羣臣之位羣臣賦敬之

周頌篇名

以進戒

嗣王

康王成王太子成王顧命懼太子之不任乃命召公

畢公率諸侯以相太子而立之成王既沒二公率諸

侯以太子見於先王廟申告以文王武王之所以爲

王業之不易務在節儉毋多欲以篤信臨之作顧命

太子立是爲康王遂誥諸侯作康王之誥

既受顧命羣臣陳戒

遂報誥之因事曰遂曰王出在應門之內

出臯門立應門內之中庭南面

太保

率西方諸侯入應門左畢公率東方諸侯入應門右

諸侯隨其方爲位皆北面

皆布乘黃朱賓稱奉圭兼

幣曰一二臣衛敢執壤奠

賓諸侯也舉奉圭兼幣之辭言一二見非一也爲籓

衛故曰臣衛來朝而遇國喪遂因

皆再拜稽首王義

嗣德答拜

諸侯拜送幣而首至地盡禮也康王以義繼先人明德答其拜受其幣

太保

暨芮伯咸進相揖皆再拜稽首冢宰與司徒皆共羣臣諸侯並進陳戒不

言諸侯以曰敢敬告天子皇天改大邦殷之命上天

內見外惟周文武誕受羨若克恤西土言文武大受天

國殷之王命惟新陟王畢協賞罰戡定厥功命而順之能憂我西

謂誅紂也惟新陟王畢協賞罰戡定厥功上之民本其所起

用敷遺後人休惟周家新升王位當盡協和天今王

敬之哉敬天道務崇張皇六師無壞我高祖寡命言

張大六師之衆無壞王若曰庶邦侯甸男衛順其戒

我高祖寡有之教命王若曰庶邦侯甸男衛而告之

不言羣臣惟予一人釗報誥報其昔君文武不平富

不務咎言先君文武道大政底至齊信用昭明于天

化平美不務咎惡則亦有熊羆之士不三心

至行至中信之道因顯則亦有熊羆之士不三心

明于天下言聖德洽

之臣保乂王家言文武既聖則亦有勇猛如熊羆之

士忠一不二心之臣共安治王家

用端命於上帝皇天用訓厥道付畀四方若聖臣

命于上天天用順其道乃命建侯樹屏在我後之人受端直之

付與四方之國王天下乃命建侯樹屏在我後之人言文武乃施政今立諸侯樹以為

胥暨顧綏爾先公之臣服于先王天子稱同姓諸侯

二伯父庶幾相與顧念文武之雖爾身在外乃心罔

不在王室言雖汝身在外土為諸侯汝心嘗當忠篤

用奉恤厥若無遺鞠子羞當各用心奉憂其所行

十之羞辱稚子羣公皆既聽命相揖趨出已聽命

康王自謂也羣公皆既聽命相揖趨出趨出罷退

諸侯歸國王釋冕反喪服脫去黼冕反服

朝臣就次王釋冕反喪服喪服居倚廬

昭王康王子

穆王昭王子昭王南巡守不返卒于江上乃立子蒍

是謂穆王

恭王穆王子

懿王恭王子

孝王恭王子

夷王懿王太子孝王終諸侯立之

厲王夷王子

宣王厲王太子厲王卽位三十年好利以榮夷公爲

卿士用事召穆公虎諫不聽國人相與畔襲厲王王

出奔於彘太子靜匿召公之家國人圍之召公乃以

其子代王太子召公周公二相行政十四年厲王死

於彘太子靜長於召公家二相竝立之

幽王宣王子

平王幽王子幽王爲犬戎所殺於是諸侯乃卽申侯

而共立故幽王太子宜臼是爲平王以奉周祀

桓王平王孫平王太子泄父蚤死立其子林是爲桓

王

莊王桓王子

釐王莊王子

惠王釐王子

襄王惠王子

頃王襄王子

班王頃王子

定王班王弟

簡王定王子

靈王簡王子

景王靈王子

悼王景王子

敬王景王子景王十八年后太子聖而早卒二十年

景王愛于朝欲立之會崩子丐之黨與爭立國人立

長子猛為王子朝攻殺猛為悼王晉人攻于朝而立

丐是為敬王 敬王猛母弟

元王敬王子

定王元王子 一曰貞定王

哀王定王子

思王哀王弟哀王立三月思王弒哀王而自立

考王思王弟思王立五月考王弒思王而自立

威烈王考王子

安王威烈王子

烈王安王子

顯王烈王弟

慎靚王顯王子

椒王慎靚王子

漢惠帝高祖太子高祖十二年四月自太子即位

文帝高祖中子惠帝娶魯元公主女為皇后帝無子

取後宮美人子名之以為太子惠帝晏駕太子立為

皇帝年幼呂后臨朝四年幽之永巷立長山王弘為

皇帝八年太后喪諸呂謀為亂丞相陳平太尉周勃

朱虛侯章既誅諸呂諸大臣相與陰謀以為少帝及

三弟為王此皆非孝惠子復共誅之使人迎代王者

王乃遣太后弟薄昭見勃勃等具言所以迎立王者

昭還報曰信矣乃令宋昌驂乘

乘車之法尊者居左御者居中又有一人

處車中右以備傾側是以戎事則稱車右其餘則曰驂乘驂者三也蓋取諸三人為名義耳

張武

等六人乘詣長安至高陵止而使宋昌先之長安觀

變昌至渭橋

在長安北三里

丞相已下皆迎昌還報代王乃

進至渭橋羣臣拜謁稱臣代王下拜太尉勃進曰願

請問

問容也猶今言中間也請容暇之頃當有所陳不欲於眾顯論也

宋昌曰所言

公公言之所言私王者無私太尉勃乃跪上天子璽

代王謝曰至邸而議之既入代邸羣臣從至上議願

代王即天子位代王曰奉高帝宗廟重事也寡人不

佞不佞不材也不足以稱稱副也音尺孕切願楚王計宜者楚王各交

高帝弟也寡人弗敢羣臣皆伏固請代王西鄉讓者三南

鄉讓者再讓羣臣也鄉讀曰嚮丞相平等皆曰臣伏計之大王

奉高祖宗廟社稷計不敢忽願大王幸聽臣等臣謹

奉天子璽符再拜上代王曰宗室將相王列侯以為

其宜寡人寡人不敢辭遂即天子位羣臣以次侍使

太僕夏侯嬰東牟侯興居先清宮舊典天子行幸所至必遣靜室令先

按行清靜殿中以虞非嘗奉天子法駕迎代邸法駕者侍中駟乘八車即御屬車三

十六皇帝即日夕入未央宮夜拜宋昌為衛將軍領

南北軍張武為郎中令行殿中行謂案行也還坐前殿大

赦天下

景帝文帝太子後七年六月丁未即皇帝位

武帝景帝中子後三年正月甲子自太子即皇帝位

昭帝武帝少子後元二年二月立為太子年八歲大

司馬大將軍霍光等受遺詔輔少主政事一決於光

初征和二年衛太子為江充所敗衛太子即戾太子也其母衛氏而

燕王旦廣陵王胥皆多過失是時武帝年老帝母寵

姬鉤弋趙婕妤武帝心欲以為嗣命大臣輔之察羣

臣惟光任大責重可屬社稷廼使黃門畫者畫周公

負成王朝諸侯以賜光至是武帝游五柞宮病篤光涕泣問曰如有不諱誰當嗣者武帝曰君未諭前晝意耶立少子君行周公之事光頓首讓曰臣不如金日磾日磾亦曰臣外國人不如光武帝以光為大司馬大將軍日磾為車騎將軍及太僕上官桀為左將軍搜粟都尉桑弘羊為御史大夫皆拜卧内牀下明日武帝晏駕遂即帝位元鳳四年正月丁亥帝加元服見于廟

元服謂加冠也禮曰今月吉辰加爾元服元首也

宣帝武帝曾孫衛太子孫也生數月遭巫蠱事坐收

繫郡邸獄

謂諸郡邸置獄也巫蠱獄收繫者衆故寄在郡邸獄

因大赦廷尉監

邴吉載送祖母史良娣家後有詔掖庭養視上屬籍宗正元平元年四月昭帝晏駕無嗣大將軍霍光請皇后徵昌邑王賀六月丙寅王受皇帝璽綬尊皇后曰皇太后癸巳光奏王賀淫亂請廢之會丞相以下議定所立廣陵王已前不用及燕刺王反誅其子不在議中近親唯有衛太子孫號皇曾孫在民間咸稱述焉光遂復與丞相張敞等上奏曰禮曰人道親親故尊祖尊祖故敬宗太宗亡嗣擇支子孫賢者為嗣孝武皇帝曾孫病已武帝時有詔掖庭養視至今年十八師受詩論語孝經躬行節儉慈仁愛人可以嗣

元帝宣帝太子黃龍元年十二月癸巳卽皇帝位
成帝元帝太子宣帝時爲世嫡皇孫宣帝愛之竟寧元年六月己未自太子卽皇帝位
哀帝元帝庶孫定陶恭王子年十七徵爲皇太子綏和二年四月丙午卽皇帝位

平帝元帝庶孫中山孝王子元壽二年六月哀帝晏駕大司馬董賢自殺太皇太后詔新都侯王莽爲大司馬領尚書事七月遣車騎將軍王舜大鴻臚左咸使持節迎中山王九月辛酉中山王卽皇帝位年九歲在位五年爲莽所酖莽立宣帝元孫子嬰爲皇帝年二歲嬰立三年爲莽所廢
後漢明帝光武第四子 光武事具帝王中興門 中元二年二月戊戌自皇太子卽位
章帝明帝第五子永平十八年八月壬子自皇太子卽皇帝位

和帝章帝第四子章和二年二月壬辰自皇太子卽皇帝位

殤帝和帝少子元興元年十二月辛未夜卽皇帝位時誕育百餘日

安帝清河王慶之子初封長安侯延平元年慶始就國鄧太后特詔留帝清河邸八月殤帝晏駕太后與兄車騎將軍鄧騭定策禁中其夜使騭持節以玉青蓋車迎帝齋於殿中皇太后御崇德殿百官皆吉服羣臣陪位引拜帝爲長安侯皇太后詔曰先帝聖德淑茂早棄天下朕奉皇帝夙夜瞻仰日月星辰共望

成就豈意率然顛沛天年不遂悲痛斷心朕惟平原王素被痼疾念宗廟之重思繼嗣之統唯長安侯祐質性忠孝小心翼翼能通詩論篤學樂古仁惠愛下年已十三有成人之志親德係後者莫宜于祐禮昆弟之子猶已子春秋之義爲人後者爲之子不以父命辭王父命其以祐爲孝和帝嗣奉祖宗案禮議奏又作策命曰惟延平元年秋七月癸丑皇太后曰咨長安侯祐孝和皇帝懿德巍巍光於四海大行皇帝不永天年朕惟侯孝章帝世嫡皇孫謙恭慈順在孺而勤宜奉郊廟統承大業今以侯嗣孝和皇帝後

其審君漢國允執其中一人有慶兆民賴之皇帝其勉之哉讀冊畢太尉奉上璽綬卽皇帝位年十三太后猶臨朝永初三年正月庚子皇帝加元服

北鄉侯章帝孫濟北惠王壽之子安帝延光四年二月太后兄大鴻臚閻顯爲車騎將軍定策禁中立之乙酉卽皇帝位

順帝安帝之子母李氏爲閻皇后所害永寧元年立爲皇太子延光三年安帝乳母王聖大長秋江京中嘗侍樊豐譖太子乳母王男厨監郗吉殺之太子數爲歎息王聖等懼有後禍遂與豐京共構陷太子太

子坐廢爲濟陰王明年三月安帝晏駕北鄉侯立濟陰王以廢出不得上殿親臨梓宮悲號不食內外羣僚莫不哀之及北鄉侯薨車騎將軍閻顯及江京與中嘗侍劉安陳達等白太后秘不發喪而更徵立諸侯國王子乃閉宮屯兵自守十一月丁巳京師及郡國十六地震是夜中黃門孫程等十九人共斬江京劉安陳達等迎濟陰王於德陽殿西鐘下卽皇帝位年十一近臣尚書以下從輦到南宮登雲臺召百官尚書令劉光等奏言孝安皇帝聖德明茂早棄天下陛下正統當奉宗廟而姦臣交構遂令陛下龍潛藩

國群僚遠近莫不失望天命有嘗北鄉不永漢德盛
明福祚孔彰近臣建策左右扶翼內外同心稽合神
烈上當天心下厭民望而卽位倉卒典章多缺請條
案禮儀分別具奏制曰可乃召公卿百僚使虎賁林
士屯南北諸門閭顯兄弟聞帝立率兵入北宮尚書
郭鎮與交鋒刃遂斬顯弟衛較景戊午遣使者入省
奪得璽綬乃幸嘉德殿遣侍御史持節收閭顯及其
弟城門較尉耀執金吾晏竝下獄誅

冲帝順帝之子建康元年八月庚午自皇太子卽皇

帝位年二歲

質帝章帝玄孫渤海王鴻之子永嘉元年正月冲帝
晏駕太尉李固以清河王蒜年長有德欲立之謂大
將軍梁冀曰今當立帝宜擇長年高明有德任親政
事者願將軍審詳大計察周霍之立文宣戒鄧閭之
利幼弱冀不從乃立帝年八歲

桓帝章帝曾孫蠡吾侯翼之子襲爵爲侯本初元年
梁太后徵帝到夏門亭將妻以女弟會質帝晏駕太
后遂與兄大將軍冀定策禁中閏月庚寅使冀持節
以玉青蓋車迎帝入南宮丁丑封建平侯其日卽皇

帝位年十五初李固議立嗣因引司徒胡廣司空趙
戒先與冀書曰天下不幸乃遭大憂皇太后聖德當
朝統攝萬機明將軍體位忠孝憂存社稷而頻年之
間國祚三絕今當立帝天下重器誠知太后垂心將
軍勞慮詳擇其人務存聖明然愚情眷眷竊獨有懷
遠尋先世廢立舊儀近見國家踐祚前事未嘗不詢
訪公卿廣求羣議令上應天星下合衆望且永初以
來政事多謬地震宮廟彗星竟天誠是將軍用情之
日傳曰以天下與人易爲天下得人難昔昌邑之立
昏亂日滋霍光憂媿發憤悔之折骨自非博陸忠勇

延年英發大漢之祀幾將傾矣至憂至懼可不熟慮
悠悠萬事唯此爲大國之興衰在此一舉冀得書乃
召三公中二千石列侯大議所立固廣戒及大鴻臚
杜喬皆以爲清河王蒜明德著聞又屬最尊親宜立
爲嗣先是蠡吾侯志嘗取冀妹時在京師冀欲立之
衆論旣異憤憤不得志而未有以相奪中嘗侍曹騰
等聞而夜往說冀曰將軍累世有椒房之親乘攝萬
機賓客縱橫多有過差清河王嚴明若果立則將軍
受禍不久矣不若立蠡吾侯富貴可長保也冀然其
言明日重會公卿冀意氣恟恟而言辭激切自胡廣

趙戒以下莫不懾憚之皆曰惟大將軍命而固獨與杜喬堅守本議冀厲聲曰罷會固意既不從猶望衆心可立復議以書勸冀愈激冀乃說太后先策免固竟立蠡吾侯是爲桓帝

靈帝章帝孫解瀆亭侯萇之子襲侯爵永康元年十二月桓帝晏駕無子皇太后與父城門較尉竇武定策禁中使守光祿大夫劉儵持節將左右羽林至河間奉迎明年正月巳亥帝到夏門亭竇武持節以至青蓋車迎入殿中庚子卽皇帝位年十二改元建寧元年四年春正月甲子帝加元服

弘農王辨靈帝子中平六年四月戊午卽皇帝位初

靈帝何皇后生皇子辨王貴人生皇子協

卽獻帝也

羣臣

請帝立太子帝以辨輕佻無威儀不可爲人主然皇后有寵兄進又居重權故久不決至是帝疾篤屬協於上軍較尉蹇碩碩既受遺詔且素輕忌於進兄弟及帝晏駕碩時在內欲先誅進而立協及進從外入碩司馬播隱與進有舊迎而目之進驚馳從他道歸營引兵入屯北郡邸因稱疾不入碩謀不行皇子辨乃卽位年十七八月爲董卓所廢

獻帝靈帝中子中平六年九月甲戌司空董卓廢弘

農王立帝年九歲興平元年正月甲子帝加元服
魏明帝文帝太子黃初二年為齊公三年為平原王
以其母誅故未建為嗣七年五月文帝疾篤乃立為
皇太子丁巳即皇帝位

齊王明帝養子初帝無子養王及秦王詢宮省事秘
莫有知其所繇來者青龍二年封為齊王景初三年
正月丁亥朔帝病甚乃立為皇太子是日即皇帝位
大赦秋七月始親臨聽公卿奏事正始四年正月帝
加元服

高貴鄉公文帝孫東海定王霖之子正始五年封劔

縣高貴鄉公嘉平五年九月齊王廢公卿議迎立公
十月己丑公至于玄武館羣臣奏請舍前殿公以先
帝舊處避正西廂羣臣又請以法駕迎公不聽庚寅
公入于雒陽羣臣迎拜西掖門南宮下輿將答拜僮
者請曰儀不拜公曰吾人臣也遂答拜至止車門下
輿左右曰舊乘輿入公曰吾被皇太后徵未知所為
遂步至太極東堂見于太后其日即皇帝位於太極
前殿百寮陪位者欣欣焉
陳留王武帝孫燕王宇之子甘露三年封安次縣嘗
道鄉公五年五月高貴鄉公為成濟所弒公卿議迎

立公六月甲寅入于雒陽見皇太后是日卽皇帝位
於太極前殿

冊府元龜

淮南李嗣京參閱

西極文翔鳳訂正

豫章黃國琦較釋

帝王部 十

繼統第二

晉惠帝武帝第二子泰始三年立爲皇太子時年九
歲太熙元年四月巳酉卽皇帝位

懷帝武帝第二十五子惠帝永興元年十一月丁亥
立爲皇太弟光熙元年十一月庚午惠帝晏駕羊皇

后以爲太弟於媵不得爲太后催清河王暉入已至
尚書閣侍中華混等急召太弟癸酉卽皇帝位

愍帝武帝孫吳孝王晏之子出繼伯父東襲封爲秦
王永嘉二年拜散騎嘗侍撫軍將軍及維陽傾覆避
難於滎陽密縣與舅荀藩荀組相遇自密南趨許穎
豫州刺史閻鼎與前撫軍長史王毗司徒長史劉疇
中書郎李昕及荀組等同謀奉帝歸于長安而疇等
中塗復叛鼎追殺之藩組僅而獲免鼎遂挾帝乘牛
車自宛趨武關頻遇山賊士卒亡散次于藍田鼎告
雍州刺史賈疋疋遽遣州兵迎衛達於長安又使輔

國將軍梁綜取守之時有王龜出灞水神馬鳴城南
焉六年九月辛巳奉秦王爲皇太子登壇告類建宗
廟社稷大赦明年四月丙午奉懷帝凶問舉哀成禮
壬辰卽皇帝位大赦改元建興

明帝元帝長子太興元年立爲皇太子永昌元年閏
十一月庚寅卽皇帝位

成帝明帝長子太寧三年戊辰立爲皇太子閏八月
己丑卽皇帝位

康帝成帝母弟咸和元年封吳王二年徙封瑯琊王
咸康五年遷侍中司徒八年六月庚寅成帝不諱詔

以瑯琊王爲嗣甲午卽皇帝位

穆帝康帝子建元二年九月丙申立爲皇太子巳亥太子卽皇帝位時年三歲皇太后攝政升平元年帝加元服正月告于太廟始親萬機皇太后居崇德宮哀帝成帝長子咸康八年封爲瑯琊王永和三年除驃騎將軍五年五月丁巳穆帝晏駕皇太后令曰帝奄小救厥疾繼嗣未建瑯琊王丕中興正統明德懋親昔在咸康屬當儲貳以年在幼冲未堪國難故顯宗高讓今義望情地莫與爲比其以王奉大統於是百官備法駕迎于瑯琊第庚申卽皇帝位十月詔曰

顯宗成皇帝顧命以時事多艱弘高世之風樹德博重以隆社稷而國故不已康穆早世裔祚不融朕以寡德復承先緒感惟永慕悲痛兼摧夫昭穆之義固宜本之天屬繼體承基古今嘗道宜上嗣顯宗以修本統帝於穆帝爲從父昆弟穆帝舅褚歆有表中書答表朝廷無其義詔下議尚書僕射江彪等四人云閔僖兄弟也爲父子則帝應爲穆帝嗣衛軍王術等二十五人云成帝不私親愛越授天倫康帝受顯宗社稷之重已移所授纂承之序宜繼康皇尚書謝奉等六人云繼體之正宜本天屬考之人情宜繼顯宗

時多異議尚書左丞孔巖與丹陽尹庾穌議曰順本
居正親親不可奪宜繼成皇帝諸儒咸以巖議爲長
竟從之

海西公哀帝之母弟也咸康八年封爲東海王升平
五年改封瑯琊王隆和初轉侍中驃騎大將軍開府
儀同三司興寧三年二月丙申哀帝晏駕無嗣丁酉
皇太后詔曰帝遂不救厥疾艱禍仍臻遺緒泯然哀
慟切心瑯琊王奕明德茂親屬當儲嗣宜奉祖宗纂
承天統便速正大禮以寧人神於是百官奉迎於瑯
琊第是日卽皇帝位

簡文帝元帝之少子永昌元年封瑯琊王咸和元年
徙封會稽王太和元年海西公廢皇太后詔曰丞相
錄尚書會稽王體自中宗明德邵令英秀玄虛神棲
事外以具瞻允塞故阿衡三世道化宣流人望攸歸
爲日已久宜從天人之心以統皇極王者明依舊典
以時施行於是大司馬桓溫率百官進太極前殿具
乘輿法駕奉迎帝於會稽邸於朝堂變服着平巾幘
单衣東向拜受璽綬咸安元年冬十一月己酉卽皇
帝位桓溫出次中堂分兵屯衛

孝武帝簡文第三子興寧三年七月封會稽王咸安

二年七月己未立為皇太子是日即皇帝位皇太后
臨朝太元元年正月壬寅朔帝加元服見于太廟皇
太后歸政甲辰大赦改元丙午帝始臨朝
安帝孝武長子太元十二年八月辛巳立為皇太子
二十一年九月庚申孝武晏駕辛巳太子即皇帝位
大赦癸亥以司徒會稽王道子為太傅攝政
恭帝安帝母弟初封瑯琊王為大司馬義熙十四年
十二月相國宋公劉裕矯稱安帝遺詔曰惟我有晉
誕膺明命業隆九有光宅四海朕以不德屬當多艱
幸賴宰輔拯厥傾覆仍恃保佑克黜禍亂遂冕旒宸

極混一六合方憑阿衡惟新洪業而遘疾大漸將遂
弟興仰惟靈命親賢是荷咨爾大司馬瑯琊王體自
先皇明德光懋屬惟儲貳眾望攸集其君臨晉邦奉
祿宗祀允執其中燮和天下闡揚未誥無廢我高祖
之景命是日即帝位

後魏太宗明元帝道武長子 道武事具帝
王創業門 初封齊王

母劉貴人賜死帝日夜號泣道武怒之帝懼乃遊行
逃于外天賜六年十月清河王紹作逆帝入誅紹王
辰即皇帝位

世祖太武帝明元長子泰嘗七年封泰平王監國八

年十月壬申卽皇帝位

高宗文成帝太武之孫恭宗景穆帝長子太武愛之嘗置左右號世嫡皇孫正平二年十月戊申卽皇帝位於永安前殿

顯祖獻文帝文成長子太安二年二月立爲皇太子和平六年五月甲辰卽皇帝位

高祖孝文帝獻文太子初獻文雅薄時務嘗有遺世之心欲卽位於叔父京兆王子推任城王雲太尉源賀固諫之東陽公丕等進言曰皇太子雖聖德夙彰然實冲幼陛下富於春秋始覽機政普天景仰率土

僊心欲隆獨善不以萬物爲心其若宗廟何其若億兆何曰儲宮正統受終文祖群公相之有何不可皇興五年八月冊命太子曰昔堯舜之禪天下也皆繇其子不肖若丹朱商均能負荷者豈搜揚仄陋而授之哉爾雖幼冲有君人之表必能恢隆王道以濟兆民今使太保健安王陸馥太尉源賀持節奉皇帝璽綬致位於爾躬其踐昇帝位克廣洪業以光祖宗之休烈使朕優游履道頤神養性可不善歟丁未詔曰朕纂承洪業運屬太平淮岱率從四海清晏是以希心玄吉志存澹泊躬覽萬務則損頤神之和一日或

曠政有淹滯之失但子有天下歸尊於父父有天下傳之于子今稽協靈運考會群心爰授儲宮踐昇大位朕方優游恭已棲心浩然社稷乂安克廣其業不亦善乎百官有司其祇奉嗣子以答天休宣布宇內咸使聞悉於是群公奏曰昔三皇之世澹泊無事故稱皇是以漢高祖既稱皇帝尊其父爲太上皇明不統天下今皇帝幼冲萬機大政猶宜陛下揔之謹上尊號太上皇帝乃從之己酉太上皇帝徙御崇光宮采椽不斷土階而已國之大事咸以聞是月丙午太子卽皇帝位於太華前殿

世宗宣帝孝文第二子太和二十三年四月己巳卽皇太子卽皇帝位於魯陽先是三月庚子孝文疾甚車駕北次穀塘原甲辰詔賜皇后馮氏死詔司徒彭城王勰徵太子於魯陽踐祚詔以侍中護軍將軍北海王詳爲司空公鎮南將軍王肅爲尚書令鎮南大將軍廣陽王嘉爲尚書左僕射尚書宋弁爲吏部尚書與侍中太尉公億尚書右僕射任城王等六人輔政顧命宰輔曰粵太尉司空尚書令左右僕射吏部尚書惟我太祖丕丕之業與四象齊茂累聖重明屬鴻曆於寡昧兢兢業業思纂乃聖之遺跡遷都嵩極

定鼎河漚庶蕩甌吳復理萬國以仰光七廟俯濟蒼生天奪其年不果乃志公卿其善毗繼子隆我魏室不亦善歟可不勉之帝卽位居諒闇委政宰輔景明二年正月始親政引見群臣於太極前殿告以覽政之意

肅宗孝明帝宣武第二子延昌元年十月乙亥立為皇太子四年正月丁巳夜卽皇帝位

敬宗孝莊帝彭城王勰之第三子孝昌二年封長樂王武泰元年二月孝明晏駕大都督爾朱榮以兵向京師四月戊戌立為皇帝

前廢帝

謚曰簡閉

廣陵惠王羽之子正始中襲爵正光中

元又擅權帝託以瘖病及莊帝晏駕爾朱世隆等上表勸進王答曰自暈眇身是以執讓然王公勤至不可拒違今敬承所陳唯愧弗堪負荷耳太尉公爾朱度津奉璽綬衮冕之服及就輅車百官侍衛入自建春雲龍門昇太極前殿群臣拜賀禮畢遂登闈闔門改元肆赦

後廢帝章武王融第二子初建明二年為渤海太守及齊獻武王高歡起義兵將誅暴逆乃推戴之十月壬寅卽皇帝位於信都城西昇壇焚燎大赦稱中興

元年

西魏武帝

亦曰出帝

孝文帝孫廣平武穆懷王第三子普

泰元年加侍中尚書右僕射中興二年四月後廢帝

自以疎遠未允四海之心請遜大位大丞相渤海王

高歡與百僚會議僉謂高祖不可無後乃共奉王戊

子卽皇帝位於東郭之外

文帝孝文帝孫京兆王愉之子永熙二年閏十二月

帝自南陽王爲周太祖所立

廢帝文帝長子太統元年正月立爲皇太子十七年

三月太子卽皇帝位

恭帝文帝第四子大統十四年封爲齊王廢帝三年

正月爲周太祖所立三年禪於周

後周世宗明帝太祖長子初封寧都郡公爲岐州刺

史孝閔帝元年九月晉公護廢立遣使迎帝於岐州

九月癸亥至京師止于舊邸甲子群臣上表勸進備

法駕奉迎帝固讓群臣固請是日卽天王位乙丑朝

群臣於延壽殿

武成元年正月巳酉太師晉公護上表歸政帝始親

覽萬機軍旅之事護猶摠焉

高祖武帝太祖第四子明帝卽位初爲蒲州刺史武

成元年入爲大司空二年四月明帝遺詔傳位帝固讓百官勸進乃從之壬寅卽皇帝位

宣帝高祖長子建德元年立爲皇太子宣政元年六月丁酉高祖晏駕戊戌太子卽皇帝位

靜帝宣帝長子大象元年正月封魯王是月立爲皇太子二月宣帝詔曰有聖大寶實惟重繩玄天表命人事與能幽顯同謀確乎不易域中之大寶懸定於杳冥天下爲公蓋不避於內舉我大周感蒼昊之精受河雒之錫武功文德光格區宇創業垂統永惟無窮朕以寡薄祇承洪緒上賴先朝得一之迹下藉群

后不貳之心職貢與雲雨俱通憲章共光華竝旦圓首方足咸登仁壽興隆國本用弘天曆皇太子地居上嗣正統所歸遠惟積德之休允叶無疆之祚帝王之量奉肅而成天祿之期不謀已至朕今傳位於衍乃睠四海深合謳歌之望俾予一人高蹈風塵之表萬方兆庶知朕意焉

隋煬帝高帝第二子

高帝事迹具帝王創業門

開皇八年立爲皇

太子仁壽四年七月卽皇帝位於仁壽宮

恭帝元德太子之子大業三年封陳王又徙爲代王十三年十月唐高祖義兵入長安尊煬帝爲太上皇

帝奉帝纂業壬戌卽皇帝位於大興殿尋禪於唐

唐太宗文皇帝高祖第二子

高祖事迹具帝王創業門

武德元年

封秦王九年六月癸亥立爲太子軍機兵仗倉糧凡厥庶政事無大小悉委皇太子斷決然後聞奏是月壬申高祖手詔司空裴寂等曰朕當加尊號爲太上皇有司擇日宜速聞奏八月癸亥高祖詔曰乾道統天文明於是馭曆大寶曰位宸極所以居尊在昔勛華不昌厥緒揖遜之禮旁求歷試三代以降天下爲家繼體承基喬嗣相襲故能孝饗宗廟卜世長遠貽慶後昆克隆萬祚朕膺期受命握圖闡極大極橫流

載寧區夏然而昧且丕顯日晏坐朝馭朽兢懷履冰在念憂勤庶政九載于茲今英華已竭耄期勤倦久懷物表高蹈風雲釋累遺塵有同脫屣深求閒逸用保休和皇太子世民久叶祥符風彰竒表天縱神武智韞機深自雲雷締構霸業伊始義旗之舉首創成規京邑克平莫非其力乃皇極已建天步猶艱內發謀猷外清氛祲英圖冠世妙算窮神伐暴除凶無思不服薛舉負西戎之衆武周引北狄之兵禍起蜂飛假名竊號元戎所指折首領巢王世充藉府庫之資憑山河之固信臣精卒承間守險建德因之同惡相

冊 卷之二 續統二
濟金鼓纜震一縱兩擒師不踰時戎衣大定夷劉闥
於趙魏覆徐朗於譙究功格穹蒼德孚宇宙雄才宏
畧振古莫儔造我大唐繫其是賴旣而居中作相任
隆列辟百揆時總三階以平地屬元良實惟固本萬
邦咸正兆庶樂推晷律呈象休徵允集華夏載佇謳
頌知歸今傳皇帝位於世民所司備禮以時冊授公
卿百官四方岳牧及長吏下至士民宜悉祇奉以稱
朕意夫政惟通變禮貴從宜利在因民義存適要條
章法度不便於時者隨時改易勿有疑滯昔漢祖撥
亂身定大功群臣推奉光宅帝位而事父資敬五日

一朝備禮尊崇號稱太上朕方游心恬淡安神玄默
無爲拱揖憲章往古稱謂之儀一准漢代庶宗社之
固申錫無疆天祿之期永安勿替布告天下咸使知
聞太宗冲讓不敢奉詔翌日朝于西宮面奏請曰堯
舜雖有至德有禪授之事然親覽庶政竝經百年陛
下以至聖之德撫有四海始將十載臣望陛下遵堯
舜之道以百姓爲心高祖曰吾思此事已熟懷之已
久故欲怡神以養生不欲矯情以從物惟恐性不能
盡歡娛身不能恣逸樂目不能觀五色耳不能聽五
音口不能極膏腴鼻不能嗅芬馥今傳授得所業泰

身安此是怡神以養生會吾之宿志若乃飾仁義務
知能勞神以施號令疲形以行賞罰此是矯情以從
物非吾心之所取也夫善治外者不傷性善治內者
不累身吾方以道攝生養性故脫屣於汝豈可嬰吾
以負重哉太宗稽首固請高祖曰夫爲人子務自勞
身致其親於安樂吾老矣傳汝以萬機若不從是非
孝也太宗弗敢辭於是遣兼太尉司空魏國公裴寂
賜策曰夫天生蒸民樹以司牧三靈輔德百姓與能
粵自夏殷傳業裔祚軌物長世率繇茲道朕祗膺靈
命肇開寶曆聲教所覃無思不服然而萬機填委九

區輻湊明發不寐考極觀書聽政勞神經謀損慮深
思閑曠釋茲重負咨爾聰明神武德實天生君人之
量爰備夙夜王業初基雷雲伊始英謀獨斷祕策潛
深及擴定關隴澄清河雒北通玄塞東靜青丘宏圖
遐舉元功克茂氛霧廓清鯨鯢斯盡澤霑方外聲暢
無垠摠統機衡百工以乂敷弘德化四門允穆謳歌
所屬宇內宅心象緯告徵靈命斯在朕是用上稽蒼
昊俯順黔黎推而弗居永垂顯號致皇帝位於爾躬
今命司空上柱國魏國公寂尚書左僕射上柱國宋
國公瑀齋綬爾其纂承洪緒對揚休命式隆寶祚以

康四海太宗固讓詔不許之甲子太宗卽位于東宮
顯德殿遣兼太尉司空裴寂柴嶸告天於南郊曰皇
帝臣某敢以玄牡昭告皇皇后帝太上皇厭居宸極
凝情姑射倦此萬機釋茲重負人神不可以乏主天
序不可以無統曆數有歸猥當寡薄神器有奉用集
大命懼忝帝位固辭弗克遂膺大禮臨馭兆民敬簡
元日告類上帝卽皇帝位惟神敷祐萬邦永綏天極
貞觀三年四月高祖以弘義宮有山林勝地乃徙居
焉改名大安宮詔曰書云知人則哲唯帝難之易曰
通其變使民不倦故太伯端委周室以隆東海就國

漢基方永立權致治不其然乎朕世襲緇衣家傳禹
業佐魏及周勤勞王室有隋御曆地居戚里嘗以補
天在慮納揆爲心大業道喪皇極如燬傾維折柱天
下分離塗炭納隍黔黎殆盡顧茲九有鋒鏑縱橫靜
念持扶計無所出世民幼懷大度性合天道韞經緯
之竒文包湯武之弘畧深謀秘策沃朕救溺之心壯
思雄圖起朕救焚之志因其感激許以經綸糾合義
師投袂而起車次於平陽之郊劔及於孟津之會元
戎所指冰消霧捲曾未浹旬廓清京邑定非嘗之業
建不世之功三古以來未之聞也朱旗西指則仁杲

喪元白羽東臨則世充泥首摧武周如拉朽收建德若拾遺至若黑闥逋誅圓朗小醜三捷七擒不可勝計一人之力冠今超古暴之遐邇豈待昌言往以建成嫡長奠其養德日就不謂匿怨友于忌能毀善讒言屢發殆至鏢金賴天啓朕心宗社降福密悟凶邪指麾殲殄朕媿受浸潤深念元功乃敬授帝圖先天傳政懼其溢蒲驕上未稱三靈之心縱慾肆情不恤萬方之重朕故仍居紫極處之肅成察其復禮觀其齊政露往霜來四載於茲矣比聞思我王度克難克艱昧且不顯去奢去泰朝夕視膳蒸蒸之性日嚴晏

景憂民翼翼之情日慎南越稽首北狄款關四海晏然五兵偃戢招君璋之衆只用尺書屠師都之城無虧寸办公卿輯睦遠邇又安金鼓絕於疆場心鏡懸於億兆盡善盡美吾無間然匪天祐之孰能至此令月吉辰風調雨順朕俯觀人事仰鑒穹旻當養性別宮使其正位居極宜令有司具禮務在周備朕得脫屣高蹈擬迹於軒轅授曆傳璽爰屬於啓誦大寶既固卜年惟永付託有所何樂如之百辟卿士等或晉陽從我同披荆棘或秦邸故吏早預腹心竝以德舉言揚進忠顯孝保乂社稷天平地成唯當帶礪山河

與國休戚可悉心輔弼無黨無偏罔或廢哉替爾不
績善事元首稱朕意焉太宗奉表陳讓曰臣聞至敬
無文至誠不飾地居臣子不以小忠撓志情兼家國
不以細行嬰心臣蒙獎厲擢居天策戰必以死實深
愍於黎庶奮不顧命願無忝於宗社規摹指麾皆稟
聖算人心神誘遂得成功安敢貪天自稱已力前以
聖人大寶濫鍾愚懦臣謂肅成理務禮通監撫日慎
一日不敢推辭今奉茲詔更垂獎予以四海乂安褒
裳紫極歸尊軒轅天下幸甚令臣自當啓誦不覺厚
顏頃者陰陽尚愆嘉穀未稔政治有虧刑典不措恐

眇身多罪以及萬方伏願天慈仍安太極待民知堯
力玉燭順序網開湯祝金科削編然後降輦西宮於
事非晚付臣宣室亦敢當仁臣志在忘私冒陳丹款
高祖手詔曰君之於臣尚須探察父之審子豈可同
嘗汝夙懷忠孝吾愛汝亦過於諸子况立功德具如
前詔所恨吾受讒言幾至投杼上玄降福神龜安寧
此乃宗廟有靈非獨吾之幸也比察汝布政聽汝德
音洋洋盈耳副吾所望昔齊有糶政而致小白晉有
艱難而獲重耳今天下慶賴在汝一人頃者寒暑不
調水旱乖節止是吾之與汝安處未得其位乃致承

乾所居非少陽之體吾今往西宮方思萬代之福汝何勞撓抑頰此言請且深思大道永保社稷善始令終無或懈怠奉行吾詔勿以小讓爲懷至公之言彼宮此室勢何殊也異姓賢者尚欲權之今汝已克負荷應茲當璧極慰吾意宜絕嘗辭也太宗不敢忤意乃止乙亥太上皇居於大安宮太宗親侍舉輦百僚陪從置酒高會極歡而罷甲午太宗正位於太極殿高宗天皇大帝太宗第九子貞觀五年封晉王十七年立爲皇太子二十三年春太宗不豫詔太子於金液門聽政四月從幸翠微宮五月己巳太宗晏駕庚

午發自翠微宮至京六月甲戌太子卽皇帝位

中宗孝和皇帝高宗第七子母曰天后武氏二歲封

周王儀鳳二年徙封英王永隆元年立爲皇太子弘

道元年十二月太子卽位天后臨朝明年正月甲申

朔改元嗣聖元年二月戊午天后廢帝爲廬陵郡王

五月遷於均州尋徙居房陵聖曆元年召赴上都皇

嗣卽睿宗也讓位於帝遂立爲皇太子神龍元年正月甲

戌天后傳位於太子乙亥卽皇帝位於通天宮之端

宸殿

睿宗大聖真皇帝中宗母弟龍朔二年封殷王乾封

元年改豫王摠章二年徙冀王上元三年改相王嗣聖元年皇太后武氏廢中宗爲廬陵王文明元年二月立爲皇帝太后臨朝天授元年降爲皇嗣聖曆元年讓位於中宗復降爲相王景龍四年六月少帝卽位年十六韋庶人專政庚子帝第三子臨淄王隆基率朝邑縣尉劉幽求長上折衝麻嗣宗內苑摠監鍾紹京等討捕韋氏并其黨與誅之辛丑奉少至御安福門樓大赦天下癸卯王公卿士咸以王室多故義擇長君以帝衆望所歸固請卽尊位是日少帝讓于叔父甲辰帝自兩儀殿出於太極殿少帝於殿東隅

次幕內西面帝於梓宮側東向太平公主曰少帝欲以此位讓叔父合否幽求跪曰少帝仁孝追蹤舜禹人王恩慈倍過之矣今家國事重有此推讓誠爲至公也是日少帝制曰自古帝王必有符命兄弟相及存諸典禮朕以孤藐遭家多難顧茲蒙識不曉政途茫茫四海將何所屬累聖丕業若墜於地王室多故義擇長君思與群公推崇明聖叔父相王高宗之子昔以天下讓于先帝孝友寬簡彰信兆人神龍之初已有明旨將立太弟以爲嗣君因王懇辭未行册命所以東宮曠位于今歷年繼衣在辰禍變倉卒後掖

稱制計立冲人欽奉前懷願遵理命上申平昔之文
仰復祖宗之烈起今日請叔父相王卽皇帝位朕退
守舊藩歸于外邸凡百卿士敬承朕意贊我天人之
休期光我有唐之洪業帝固讓有制不許是日卽皇
帝位大赦天下於是降少帝爲溫王丙午帝縞服於
太極東廊引群公卿士謂曰朕與蒼生有幸且得社
稷安寧自大行晏駕韋氏篡逆元惡大憝竝從誅翦
嗣皇年幼未曉政途推讓朕躬事非獲已今與卿等
相見不勝悲感甲戌命溫王重茂於內宅安厝明年
正月以溫王重茂爲襄王食邑集等州實封二千戶

於集州安置

册府元龜

帝王部

